

儀

禮



儀

禮

儀禮目錄

卷一

士冠禮……………一

卷二

士冠禮……………一

卷三

士冠禮……………二

卷四

士昏禮……………三

卷五

士昏禮……………四

卷六

士昏禮……………五

卷七

士相見禮……………七

卷八

鄉飲酒禮……………八

卷九

鄉飲酒禮……………九

卷十

鄉飲酒禮……………一〇

卷十一

鄉射禮……………一二

卷十二

鄉射禮……………一四

卷十三

鄉射禮……………一八

卷十四

燕禮……………一九

卷十五

燕禮……………二一

卷十六

大射……………二三

卷十七

大射……………二四

卷十八

大射……………二八

卷十九

聘禮……………三一

卷二十

聘禮……………三二

卷二十一

聘禮……………三三

卷二十二

聘禮……………三四

卷二十三

聘禮……………三六

卷二十四

儀禮

聘禮……………三六

卷二十五

公食大夫禮……………三八

卷二十六

公食大夫禮……………四〇

卷二十六下

覲禮……………四一

卷二十七

覲禮……………四一

卷二十八

喪服……………四二

卷二十九

喪服……………四二

卷三十

喪服……………四三

卷三十一

喪服……………四四

卷三十二

喪服……………四六

卷三十三

喪服……………四七

卷三十四

喪服……………四八

卷三十五

士喪禮……………四八

卷三十六

士喪禮……………四九

卷三十七

士喪禮……………五一

卷三十八

既夕禮……………五三

卷三十九

既夕禮……………五四

卷四十

既夕禮……………五四

卷四十一

既夕禮……………五五

卷四十二

士虞禮……………五六

卷四十三

士虞禮……………五八

卷四十四

特牲饋食禮……………五九

卷四十五

特牲饋食禮……………六〇

卷四十六

特牲饋食禮……………六二

卷四十七

儀禮卷一

士冠禮

士冠禮。筮于廟門。主人玄冠，朝服，緇帶，素鞶，即位于門東，西面。有司如主人服，即位于西方，東面，北上。筮與席、所卦者，具饌于西塾。布席于門中，闔西闕外，西面。筮人執筴，抽上韠，兼執之，進受命于主人。宰自右少退，贊命。筮人許諾，右還，即席坐，西面，卦者在左。卒筮，書卦，執以示主人。主人受視，反之。筮人還，東面旅占，卒，進告吉。若不吉，則筮遠日，如初儀。徹筮席。宗人告事畢。

主人戒賓，賓禮辭，許。主人再拜，賓答拜。主人退，賓拜送。

前期三日，筮賓，如求日之儀。

乃宿賓。賓如主人服，出門左，西面再拜。主人東面答拜。乃宿賓。賓許，主人再拜，賓答拜。主人退，賓拜送。宿贊冠者一人，亦如之。

厥明夕，爲期于廟門之外。主人立于門東，兄弟在其南，少退，西面，北上。有司皆如宿服，立于西方，東面，北上。擯者請期，宰告曰：「質明行事。」告兄弟及有司，告事畢。擯者告期于賓之家。

夙興，設洗，直于東榮，南北以堂深。水在洗東。

儀禮卷二

陳服于房中西墉下，東領北上。爵弁服，纁裳，純衣，緇帶，韎韐。皮弁服，素積，緇帶，素鞶。玄端，玄裳、黃裳、雜裳可也。緇帶，爵鞶。緇布冠缺頂，青組纓屬于缺；緇纁，廣終幅，長六尺；皮弁笄；爵弁笄；緇組紃，纁邊；同篋。櫛實于篋。蒲筵二，在南。

側尊一甒醴，在服北。有篋實勺、觶、角、柶，脯醢，南上。爵弁、皮弁、緇布冠各一匱，執以待于西墉南，南面，東上。賓升則東面。

主人玄端爵鞶，立于阼階下，直東序，西面。兄弟畢袵玄，立于洗東，西面，北上。擯者玄端，負東塾。將冠者采衣，紒，在房中，南面。

賓如主人服，贊者玄端從之，立于外門之外。擯者告。主人迎，出門左，西面再拜。賓答拜。主人揖贊者，與賓揖，先入。每曲揖。至于廟門，揖入。三揖，至于階，三讓。主人升，立于序端，西面，賓西序，東面。贊者盥于洗西，升，立于房中，西面，南上。

主人之贊者筵于東序，少北，西面。將冠者出房，南面。贊者奠纁、笄、櫛于筵南端。賓揖將冠者，將冠者即筵坐。贊者坐，櫛，設纁。賓降，主人降。賓辭，主人對。賓盥，卒，壹揖，壹讓，升。主人升，復初位。賓筵前坐，正纁，興，降西階一等。執冠者升一等，東面授賓。賓右手執項，左手執前，進容，乃祝。坐如初，乃冠。興，復位。贊者卒。冠者興，賓揖之。適房，服玄端爵鞶。出房，南面。

賓揖之，即筵坐。櫛，設筭。賓盥，正纁如初。降二等，受皮弁，右執項，左執前，進祝，加之如初，復位。贊者卒紘。興，賓揖之。適房，服素積素鞶，容，出房，南面。

賓降三等，受爵弁，加之。服纁裳韎韐，其他如加皮弁之儀。

徹皮弁、冠、櫛、筵，入于房。筵于戶西，南面。贊者洗于房中，側酌醴，加櫛，覆之，面葉。賓揖，冠者就筵，筵西，南面。賓受醴于戶東，加櫛，面枋，筵前北面。冠者筵西拜受觶，賓東面答拜。薦脯醢。冠者即筵坐，左執觶，右祭脯醢，以櫛祭醴三，興。筵末坐，啐醴，建柶，興。降筵，坐奠觶，拜。執觶興。賓答拜。

冠者奠觶于薦東，降筵，北面坐取脯，降自西階，適東壁，北面見于母。母拜受，子拜送，母又拜。

賓降，直西序，東面，主人降，復初位。冠者立于西階東，南面，賓字之，冠者對。

賓出，主人送于廟門外。請醴賓，賓禮辭，許。賓就次。

冠者見于兄弟，兄弟再拜，冠者答拜。見贊者，西面拜，亦如之。人見姑姊，如見母。

乃易服，服玄冠、玄端、爵鞶，奠摯見于君。遂以摯見于鄉大夫、鄉先生。

乃醴賓以壹獻之禮。主人酬賓，束帛儷皮。贊者皆與，贊冠者爲介。

賓出，主人送于外門外，再拜，歸賓俎。

儀禮

儀禮卷三

若不醴，則醢用酒。尊于房戶之間，兩甒，有禁。玄酒在西，加勺，南枋。洗，有篚在西，南順。始加，醢用脯醢。賓降，取爵于篚，辭降如初。卒洗，升酌。冠者拜受，賓答拜如初。冠者升筵，坐。左執爵，右祭脯醢，祭酒，興；筵末坐，啐酒；降筵，拜，賓答拜。冠者奠爵于薦東，立于筵西。徹薦、爵，筵尊不徹。加皮弁，如初儀。再醢，攝酒，其他皆如初。加爵弁，如初儀。三醢，有乾肉折俎，啐之，其他如初。北面取脯，見于母。若殺，則特豚，載合升，離肺實于鼎，設扃鬲。始醢，如初。再醢，兩豆：葵菹、羸醢；兩簋：栗、脯。三醢，攝酒如再醢，加俎，啐之，皆如初，啐肺。卒醢，取籩脯以降，如初。

若孤子，則父兄戒、宿。冠之日，主人紛而迎賓，拜，揖，讓，立于序端，皆如冠主，禮于阼。凡拜，北面于阼階上。賓亦北面于西階上答拜。若殺，則舉鼎陳于門外，直東塾，北面。

若庶子，則冠于房外，南面，遂醢焉。

冠者母不在，則使人受脯于西階下。

戒賓，曰：「某有子某，將加布于其首，願吾子之教之也。」賓對曰：「某不敏，恐不能共事，以病吾子，敢辭。」主人曰：「某猶願吾子之終教之也。」賓對曰：「吾子重有命，某敢不從！」宿曰：「某將加布于某之首，吾子將莅之，敢宿。」賓對曰：「某敢不夙

興。」

始加，祝曰：「令月吉日，始加元服。弃爾幼志，順爾成德。壽考惟祺，介爾景福。」再加，曰：「吉月令辰，乃申爾服。敬爾威儀，淑慎爾德。眉壽萬年，永受胡福。」三加，曰：「以歲之正，以月之令，咸加爾服。兄弟具在，以成厥德。黃耇無疆，受天之慶。」醴辭曰：「甘醴惟厚，嘉薦令芳。拜受祭之，以定爾祥。承天之休，壽考不忘。」醯辭曰：「旨酒既清，嘉薦亶時。始加元服，兄弟具來。孝友時格，永乃保之。」再醯，曰：「旨酒既滑，嘉薦伊脯。乃申爾服，禮儀有序。祭此嘉爵，承天之祜。」三醯，曰：「旨酒令芳，籩豆有楚。咸加爾服，肴升折俎。承天之慶，受福無疆。」

字辭曰：「禮儀既備，令月吉日，昭告爾字。爰字孔嘉，髦士攸宜。宜之于假，永受保之，曰伯某甫。」仲、叔、季，唯其所當。

屨，夏用葛。玄端黑屨，青絢纁純，純博寸。素積白屨，以魁柎之，緇絢纁純，純博寸。爵弁纁屨，黑絢纁純，純博寸。冬，皮屨可也。不屨總屨。

記。冠義。始冠，緇布之冠也。大古冠布，齊則緇之。其綏也，孔子曰：「吾未之聞也，冠而敝之可也。」

適子冠于阼，以著代也。醯于客位，加有成也。三加彌尊，論其志也。冠而字之，敬其名也。

儀禮

委貌，周道也。章甫，殷道也。毋追，夏后氏之道也。周弁，殷冔，夏收。三王共皮弁、素積。

無大夫冠禮，而有其昏禮。古者五十而後爵，何大夫冠禮之有？公侯之有冠禮也，夏之末造也。天子之元子猶士也，天下無生而貴者也。繼世以立諸侯，象賢也。以官爵人，德之殺也。

死而謚，今也。古者生無爵，死無謚。

儀禮卷四

士昏禮

昏禮。下達，納采用雁。主人筵于戶西，西上，右几。使者玄端至。擯者出請事，人告。主人如賓服，迎于門外，再拜，賓不答拜。揖人。至于廟門，揖人。三揖，至于階，三讓。主人以賓升，西面。賓升西階，當阿，東面致命。主人阼階上北面再拜。授于楹間，南面。賓降，出，主人降。授老雁。

擯者出請。賓執雁，請問名，主人許。賓人，授，如初禮。

擯者出請，賓告事畢。人告，出請醴賓。賓禮辭，許。主人徹几，改筵，東上。側尊甒醴于房中。主人迎賓于廟門外，揖讓如初，升。主人北面，再拜。賓西階上北面答拜。主

人拂几，授校，拜送。賓以几辟，北面設于坐，左之，西階上答拜。贊者酌醴，加角柶，面葉，出于房。主人受醴，面枋，筵前西北面。賓拜受醴，復位。主人阼階上拜送。贊者薦脯醢。賓即筵坐，左執觶，祭脯醢，以柶祭醴三，西階上北面坐，啐醴，建柶，興，坐奠觶，遂拜。主人答拜。賓即筵，奠于薦左，降筵，北面坐取脯，主人辭。賓降，授人脯，出，主人送于門外，再拜。

納吉，用雁，如納采禮。

納徵，玄纁束帛、儷皮，如納吉禮。

請期，用雁。主人辭，賓許，告期，如納徵禮。

期，初昏，陳三鼎于寢門外東方，北面，北上。其實特豚，合升，去蹄。舉肺脊二、祭肺二、魚十有四、腊一，肫脾不升。皆飪。設扃鬯。設洗于阼階東南。饌于房中，醢醬二豆，菹醢四豆，兼巾之。黍稷四敦，皆蓋。大羹涪在爨。尊于室中北墉下，有禁。玄酒在西。綌冪。加勺，皆南枋。尊于房戶之東，無玄酒。筐在南，實四爵合盃。

主人爵弁，纁裳，緇旒。從者畢玄端。乘墨車，從車二乘，執燭前馬。婦車亦如之，有綌。至于門外。主人筵于戶西，西上，右几。

備禮

儀禮卷五

女次，純衣纁袂，立于房中，南面。姆纁、笄、宵衣，在其右。女從者畢袵玄，纁笄，被纁黼，在其後。主人玄端，迎于門外，西面再拜。賓東面答拜。主人揖入，賓執雁從。至于廟門，揖入。三揖，至于階，三讓。主人升，西面。賓升，北面，奠雁，再拜稽首，降，出。婦從，降自西階。主人不降送。婿御婦車，授綏，姆辭不受。婦乘以几，姆加景，乃驅。御者代。婿乘其車先，俟于門外。

婦至，主人揖婦以入。及寢門，揖入，升自西階。媵布席于奧。夫人于室，即席。婦尊西，南面，媵、御沃盥交。贊者徹尊冪。舉者盥，出，除冪，舉鼎人，陳于阼階南，西面，北上。匕俎從設。北面載，執而俟。匕者逆退，復位于門東，北面，西上。贊者設醬于席前，菹醢在其北。俎人，設于豆東，魚次。腊特于俎北。贊設黍于醬東，稷在其東，設涪于醬南。設對醬于東，菹醢在其南，北上。設黍于腊北，其西稷。設涪于醬北。御布對席，贊啓會，卻于敦南，對敦于北。贊告具。揖婦，即對筵，皆坐，皆祭。祭薦、黍、稷、肺。贊爾黍，授肺脊。皆食，以涪、醬，皆祭舉、食舉也。三飯，卒食。贊洗爵，酌醕主人，主人拜受。贊戶內北面答拜。醕婦亦如之。皆祭。贊以肝從，皆振祭，臠肝，皆實于菹豆。卒爵，皆拜。贊答拜，受爵，再醕如初，無從。三醕用盞，亦如之。贊洗爵，酌于戶外尊。人戶，西北面奠爵，拜。皆答拜。坐祭，卒爵，拜。皆答拜。興。主人出，婦復位。乃徹于房中，

如設于室，尊否。主人說服于房，媵受。婦說服于室，御受。姆授巾。御衽于奧，媵衽良席在東，皆有枕，北止。主人入，親說婦之纓。燭出。媵餽主人之餘，御餽婦餘，贊酌外尊醕之。媵侍于戶外，呼則聞。

夙興，婦沐浴。纚笄、宵衣以俟見。質明，贊見婦于舅姑。席于阼，舅即席。席于房外，南面，姑即席。婦執筭棗栗，自門入，升自西階，進拜，奠于席。舅坐撫之，興，答拜。婦還，又拜。降階，受筭股脩，升，進，北面拜，奠于席。姑坐，舉以興，拜，授人。

贊醴婦。席于戶牖間，側尊甌醴于房中。婦疑立于席西。贊者酌醴，加枳，面枋，出房，席前北面。婦東面拜受。贊西階上北面拜送。婦又拜。薦脯醢。婦升席，左執觶，右祭脯醢，以枳祭醴三，降席，東面坐，啐醴，建枳，興，拜。贊答拜。婦又拜，奠于薦東，北面坐取脯，降，出，授人于門外。

舅姑入于室，婦盥饋。特豚，合升，側載，無魚腊，無稷，並南上。其他如取女禮。婦贊成祭，卒食，一醕，無從。席于北墉下。婦徹，設席前如初，西上。婦餽，舅辭，易醬。婦餽姑之饌。御贊祭豆、黍、肺，舉肺、脊。乃食，卒。姑醕之，婦拜受，姑拜送。坐祭，卒爵，姑受，奠之。婦徹于房中，媵御餽，姑醕之。雖無娣，媵先。于是與始飯之錯。

舅姑共饗婦以一獻之禮。舅洗于南洗，姑洗于北洗，奠酬。舅姑先降自西階，婦降自阼階。歸婦俎于婦氏人。

備禮

舅饗送者以一獻之禮，酬以束錦。姑饗婦人送者，酬以束錦。若異邦，則贈丈夫送者以束錦。

儀禮卷六

若舅姑既沒，則婦人三月，乃奠菜。席于廟奧，東面，右几。席于北方，南面。祝盥，婦盥于門外。婦執筭菜，祝帥婦以入。祝告，稱婦之姓，曰：『某氏來婦，敢奠嘉菜于皇舅某子。』婦拜，扱地，坐奠菜于几東席上，還，又拜如初。婦降堂，取筭菜入。祝曰：『某氏來婦，敢告于皇姑某氏。』奠菜于席，如初禮。婦出，祝闔牖戶。老醴婦于房中，南面，如舅姑醴婦之禮。婿饗婦送者丈夫、婦人，如舅姑饗禮。

記。士昏禮，凡行事，必用昏昕，受諸禰廟。辭無不腆，無辱。摯不用死，皮帛必可製。腊必用鮮，魚用鮒，必殽全。

女子許嫁，笄而醴之，稱字。祖廟未毀，教于公宮，三月。若祖廟已毀，則教于宗室。問名，主人受雁，還，西面對。賓受命乃降。

祭醴，始扱壹祭，又扱再祭。賓右取脯，左奉之，乃歸，執以反命。

納徵，執皮，攝之，內文，兼執足，左首。隨人，西上，參分庭一在南。

賓致命，釋外足見文。主人受幣。士受皮者自東出于後，自左受，遂坐攝皮，逆退，適

東壁。

父醴女而俟迎者，母南面于房外。女出于母左，父西面戒之，必有正焉。若衣、若笄，母戒諸西階上，不降。

婦乘以几。從者二人坐持几，相對。

婦入寢門，贊者徹尊罍，酌玄酒，三屬于尊，弃餘水于堂下階間，加勺。

笄，緇被纁裏，加于橋。舅答拜，宰徹笄。

婦席薦饌于房。饗婦，姑薦焉。婦洗在北堂，直室東隅，筐在東，北面盥。婦酢舅，更爵，自薦。不敢辭洗，舅降則辟于房，不敢拜洗。凡婦人相饗，無降。

婦人三月，然後祭行。

庶婦，則使人醮之，婦不饋。

昏辭曰：「吾子有惠，貺室某也。某有先人之禮，使某也請納采。」對曰：「某之子蠢愚，又弗能教。吾子命之，某不敢辭。」

致命，曰：「敢納采。」問名，曰：「某既受命，將加諸卜，敢請女爲誰氏？」對曰：「吾子有命，且以備數而擇之，某不敢辭。」

醴，曰：「子爲事故，至于某之室。某有先人之禮，請醴從者。」對曰：「某既得將事矣，敢辭。」先人之禮，敢固以請。「某辭不得命，敢不從也。」

備禮

納吉，曰：「吾子有貺命，某加諸卜，占曰「吉」，使某也敢告。」對曰：「某之子不教，唯恐弗堪。子有吉，我與在，某不敢辭。」

納徵，曰：「吾子有嘉命，貺室某也。某有先人之禮，儷皮束帛，使某也請納徵。」致命，曰：「某敢納徵。」對曰：「吾子順先典，貺某重禮，某不敢辭，敢不承命！」

請期，曰：「吾子有賜命，某既申受命矣。惟是三族之不虞，使某也請吉日。」對曰：「某既前受命矣，唯命是聽。」曰：「某命某聽命于吾子。」對曰：「某固唯命是聽。」使者曰：「某使某受命，吾子不許，某敢不告期！」曰某日。對曰：「某敢不敬須！」

凡使者歸，反命，曰：「某既得將事矣，敢以禮告。」主人曰：「聞命矣。」

父醮子，命之，曰：「往迎爾相，承我宗事。勛帥以敬先妣之嗣，若則有常。」子曰：「諾。唯恐弗堪，不敢忘命。」

賓至，擯者請，對曰：「吾子命某，以茲初昏，使某將，請承命。」對曰：「某固敬具以須。」

父送女，命之，曰：「戒之敬之，夙夜毋違命。」母施衿結帨，曰：「勉之敬之，夙夜無違宮事。」庶母及門內，施鞶，申之以父母之命，命之曰：「敬恭聽，宗爾父母之言。夙夜無愆，視諸衿鞶！」

婿授綏，姆辭曰：「未教，不足與爲禮也。」